

نومرو ۲۳ - ۲۸ شعبان ۱۳۲۹

پنجشنبه کونلری نشر اولنور

۱۱ آغستوس ۱۳۲۷

صاحب امتیاز و سر محرری
اورفه مبعوثی

شیخ صفوت

مرکز توزیعی باب عالی جاده سنده
جمعیت کتبخانه سیدر

نسخه سی ۲۰ پاره در

تصوف

التصوف کله آداب : ابو حفص عمر بن مسلم

عرفای امتک مقالات عارفانه لرینه تصوفک صحیفه لری آچیقدر

تصوفه متعلق مباحث شتادن باحث و مکارم اخلاق اسلامیتک تعمیمنه خادم مجله* مغنویه در

رات در سعادت پوسته خانه سته
تصوف جریده سی نامه کوندر ملیدر.
قوطلو نومرو سی ۱۴۳

شرائط اشترا

سنه لکی ممالک عثمانیه ایچون
۳۰ غروش ، مصر و ممالک اجنبیه
ایچون ۷ فراقدر .

اکلار . مرتبه احدیده آفتاب کی بر جوهر ایدک اومقام مقدسده تفرقه و تجزیه ده متصور دکلدی یعنی حقایق عینه ده بر بریزدن متعین و ممتاز دکل ایدک بلکه آب کی بی عقده آفتاب کی متبسط بر نور ایدک نورک تعریفی : «ظاهر فی نفسه مظهر لغیره» در جناب حق بو عالم صورت و شهادتی یوقدن یعنی بطوئن اظهار بیورد قدده هر مظهر استعداد غیبه ازلیه سه کوره بر بردن ممتاز و متعین اولدیلر . مشهور داتمز اولان ممتازات ، قوله نسبتله در حقیقت نقطه نظرندن معدومدر .

(خودبین هرکز خدایین نشود) قول عارفانه سی کندونی کورنلرک جنساب فاطر اقدسی هیچ بر وقت کوره میه جگرخی اتحاد حقیقی به و وحدت معنویه به پیوسته اوله میه جگرخی اعلام بیورر .

ای طالبان اسرار حقیقت و سالکان طریق وحدت بو محصله کائناتک و زمزمه موجوداتک میاننده اولان فرق و تمیزی مغایرت و اختلافی رفع ایتمکه جهد و جزم و صرف همت مزید ایله ، ایله که پیوسته مقام وحدت و مرتبه حقیقت اوله سک :

هر ضعیف الذهن اولان کیمسه لرک ضعیق اولان حوصله لری اسرار توحیدی ، عظمت لاهوتی یکده او قدر قولایقله قبول و هضم ایده مز . من غیر حد سولیکه یلتندیکیم بعض حقایق صوفیه بی جناب جلال الدین رومی بر نصیحت جهانسندانده حکمنده اولان اشبوییت شریفلر نده اثبات بیورمشرلدر .

چیست توحید خدا آموختن

خویشقن رایش واحد سوختن

جناب فاطر اقدسک توحیدینی یعنی اتحاد حقیقی و وحدت معنویه بی اگر تک کندینی حضور واحد حقیقیده افنا ایتمکدر یعنی وجود موهوم بشریه ، اوصاف مفروضه ذاتیه سی آتش عشق و محبت کبریا ایله یاققدر . انسانلر کندیلرخی طوبراق کی خوار و حقیر ، ذلیل

تلفرافته ایسانانلرک اولیاء الله حضراتک مراقبه و رابطه و توجه حقننده کی اصول و ارکاتی جفا القلم رد ایتمه یرک جناب حقدن بونلرک اسرارینه نالیتی نمی ایله ملرخی توصیه ایدرز .

شیخ رضاء الدین رمزی الرفاعی



توحید باری و اتحاد حقیقی

« التوحید اسقاط الاضافات » اسقاط الاضافات ایله توحید استدا و انتها نا پذیر بردریای عظیمدر . یعنی تقدی ناقابل بر کل مطلق بر کدر . فن توحیدده موحد ایله موحدک وجودی تقرر ایدر سه توحید حقیقی تظاهر ایتز . عالم معانی و حقایقده هر شیء متحددر . انسانلر موجب تفرقه اولان صورتی یعنی تقابل اسماء الاهی ، اقتضاء استعداد نامتناهی اولان اختلافاتی ترک ایده جک اولورلر ایسه راه معنایی اختیار ایتش و اتحاد حقیقی به و وحدت مطلقه به و وحدت معنویه به داخل اولش اولورلر . « خالقکم من نفس واحد » آیه جلیله سی اشبو حقیقته بر شاهد عادلدر . مقتضیات صورت ، لوازم طبیعتندن خلاص اولوق ایچون سرکش اولان صورتی ازملی ، دائماً ازملیدر . بوده یا کسی و یا خود و هی اولور . جهت کسب سی ریاضیات و مجاهدات ایله حاصل اولدیمی کی و هبسی دخی عنایت ربانیدن بر لطف ، جذبات رحمانیدن بر جذبه متشبثی یعنی سالکی صورت قیدندن خلاص و محو و نابود ایدرک کنج وحدته ایصال ایلر .


(من صرف نفسه فقد صرف ربّه)

هر کیم اوله جق اولور ایسه اولسون وجودینک وجود اضافی اولدینی و حالنک دخی هیچ شبهه سز امکان عدمی بولندینی ذوقاً تفهم ایده جک اولور سه وجود حقیقی مصدر حقیقی اولان جناب جهان افرینک اولدینی

و بی اعتبار کوره چک اولور لر ایسه کمال محبت لری درجه سنده
حق و حقیقت لر بی ارتقا و اعتلا ایتش اولور لر اکر سنده
روز کی نورانی اولق سوداسی وار ایسه شب کی ظلمانی
اولان وجود کی یاق انانیت اثری قالمیوب بقای حقله باقی
قاله سک زیرا اهل تصوف کیندولر ندن کچوب حقله
باقی قاله سک زیرا اهل تصوف کیندولر ندن کچوب حقله
باقی قاله سک در .

مثوی خوان

علی فواد



آثار ادبانه لر نیک نشریله مباحی بولند یغمز ناظم پاشا
حضرت لر نیک بر منظومه تجلی پرورانه لیدر :

جمال عشق مجالای تجلی خدا کوردم
فروغ حسنی فیض منشاء هر دو سرا کوردم

رخ بر تاب عشق معکس نور هدا کوردم
تجلیگاه علینبی اندن بر ضیا کوردم

باقوب خط جبین پاک عشقه عین عبرتله
نقوش سر نوشت ابتدا و انتها کوردم

تماشا ایلدم خال عذار شاهد عشق
سویداسن محیط دوره ارض و سما کوردم

بلا قید ازادت جذبّه مخصوص فطرتله
بتون ذرات موجوداتی عشقه مبتلا کوردم

خصوصاً عاشق سوزش نمای ماسوی سوزی
بلا نفس هوا سر تابا عشق و هوا کوردم

نیجه رندانی وار سرمست فیض نشئه جاوید
حریم بزم فیضا فیض عشق پر صفا کوردم

کیجه بی کیف و کم سیر ایلیوب بر خطوه منزلده
کیروب دار السلام عشقه بر جوق آشنا کوردم

بولندم مجلس شبگیر عشقک اجتهانده
نیجه بیوش دل ازاد بیجه اهل نها کوردم

کیرنجه بزم حیرت بخش عشقه واله حیران
سراسر اهل عشق وایه مند اعتلا کوردم

نه مجلس شمع صبح افروزی مهر عالم تحقیق
شعاعیله جمال پاک عشق روشنا کوردم

نه مجلس راح روح افزایی روح کائنات ایجاد
نه مجلس ساغرین آینه کیتی نما کوردم

نه مجلس رند ساغر کشلری مست می تجرید
نه مجلس نشوه سن محو وفا بعد البقا کوردم

علا یقندن کسلمش هربری محو وجود ایتش
بتون مردان عشق فارغ خوف و رجا کوردم

کیمی آتمش قدومن یایه عرشه سماع ایلر
کیمین دوران ایدرکن یانی فوق العلا کوردم

کیمی مجذوب و سرگردان شور انکیز وجد آور
کیمی مستغرق دریای امواج رضا کوردم

کیمی دنیا و مافیایی آتمش دوش هستیدن
کیمین دنیا و مافیایه صاحب اعتنا کوردم

کیمی دیهم جمع الجمعه شاه نیستی افسر
کیمین اکلیل فرقه قرقنی زینت فزا کوردم

خلاصه اهل عشقن هر برین معنیده ای ناظم
جراغ کائنات افروز قرب کبریا کوردم